



24)

**Trefflicher vnd
 Hochnütlicher anschlag/Bündtnuß**
 vnd verainigung/durch die Durchleüchtigsten/Durchleüch-
 tigen vnd Hochgebornen Chur vnnnd Fürsten/ Herzogen zu
 Sachsen/ Marggrauen zu Brandenburg/ vnd Landts
 grauen zu Hessen 2c. Des Türcken zugs halben für
 genömen/ bedacht vnd berhatschlagt. Auch
 was anzal Kriegs volcks zu Ross vnnnd
 füß/ Desgleichen geschütz vnd an-
 der nordurfft/ wider gemel-
 ten Erbfeind solle gehal-
 ten vnd geschickt
 werden.

Der Schlesiſchen Fürsten
 vnd Stennnd gesandten Instruction vnnnd
 beuelch/ obgerürten Türcken zug
 vnd hilff belangend 2c.

M. D. XLI.



Handwritten text, likely a title or header, appearing as a faint bleed-through from the reverse side of the page.

Main body of handwritten text, consisting of several lines of script, also appearing as a faint bleed-through from the reverse side.

Handwritten text, possibly a signature or a specific section header, appearing as a faint bleed-through.

Handwritten text, likely a date or a reference number, appearing as a faint bleed-through.

M. N. 1711

Trefflicher vnd hochnütlicher an-
schlag / Bündnuß vnd verainigung / durch die Durchleüch-
tigesten / Durchleüchtigen vnd Hochgebornen Chur vnd
Fürsten / Herzogen zu Sachsen / Marggrauen zu
Brandenburg / vñ Landtgrauen zu Hessen ic.
Des Türcken zugs halben fürgenom-
men / bedacht vñnd be-
rhatshlage.



Nach dem sich die Durchleüch-
tigesten / Durchleüchtigen / Hochgebor-
nen / Chur vnd Fürsten / Herz Johanns
Fridrich / Herzog zu Sachsen / Erzmar-
schalck / Herz Joachim Marggraff zu
Brandenburg / Kamerer / bede Chursür-
sten / Herz Moritz vñnd Herz Johanns
Ernst / Herzogen zu Sachsen ic. Vnd
Philips Landtgraff zu Hessen / Graf zu Katzenelenbogen ic.
Vñnsere gnedigest vnd gnedig Fürsten vñnd Herren. Nach
der Nyderlag / so von dem Königlichem heere vor Ofen ge-
litten ist / vmb vorstehender sorgfältigkeit willen / anher be-
ragt vnd begeben / so haben jr Chur vnd Fürstlichen gnaden /
solliche sorgfältigkeit / so nit allain der Cron zu Hungern / Kö-
niglicher Maie. Ferdinando / vnd jren Landen / sonder aller
Christenheit / sonderlich dem hailigē Römischen Reich / vnd
Teütscher Nation obligt / fürsehen / bedacht / berhatschlage /
vñ in Rhat erfunden / das solch sachen nit allain vnder jnen /
sonder auch vnder allen Stenden des hai. Römischē Reichs /
vnd sonderlich Teütscher Nation zu reden sein wöllē / Nach
dem dieselben vast groß vnd sorgfältig seyen / Damit aber sol-
lichs stattlich vñ mit frucht geschehen mög / so solte nutz vnd
güt sein / das sich die gegenwertigen Chur vnd Fürsten / ainer
ainhelligen mainung / was auf künfftigen tag zu Speyr / den

vierzehenden Jenner zuhandlen von nöthen sein wölle/entschlossen/ Vnd darauf sich mitainander nachuolgender meinung / wie dem gemainen feind dem Türcken beharlich zugegnen sein solte/ fürzunemen/ vnd darauff zuhandlen/ vereiniget.

Erstlich/nach dem der feind mächtig/vnd zum Krieg gefasset vnd geschickt ist/vnd dan ain lange zeyt her von beyder thail Religion verwandten stenden für güte angesehen worden ist/das sollich Tapffer werck wider den Türcken/on vergleichung der Religion sachen/ oder zu dem wenigsten ain beständigen friden/ ain gleichmässig Recht nit wol anzunemen sein wölte/ Vnnd so es villeicht angenommen wurde/ so glücklich sollicher widerwärtigkeit halben nit wol zuwegen bringen were / So ist nachmals für güte angesehen / käme man zuvergleichnuß inn der Religion/das man darnach mit allem fleiß tracht/wa nicht/ vnd ob sich solche vergleichung nit eraigne wölte/ das man darvon nit disputier/ vnd also die zeyt verlier / Sonder auff ainen 20. 15. oder 10. jährigen anstand vnd friden/ so lang man es bringen mocht/ doch nit vnder fünff jaren / handlen/ inn massen wie auff dem nächsten Reichstag zu Regenspurg ain anstand auff etlich zeyt gemacht worden ist.

Darbey auch arbeiten / daß das Camergericht auf jungst Reichs abschied/vñ der declaration daneben Reformiert werde/ damit wir auch zu allen thailen ain gleichmässig Recht haben mögen / das auch in Religion sachen die gemelte zeyt/ auffer der obgemelten jar oder zeyt still gestanden mag werden/wie die yezt im Regenspurgischem abschied/vñ desselben declaration begriffen ist/dann on solch frid vnd Recht/ wirt man die Reichs stende schwärlich zu solcher beschwärlichen hülffbringen mögen.

Zum andern/ dieweil diser handel fast groß/ vñ Teutscher Nation allain beharlich zů tragē nit wol m̃glich sein will/ so wolt ṽs ñten sein/ das alle Chur vnd Fürsten/ auch Sten- de bey Kai. vnd König. Maiestaten/ oder derselben R̃then vnd Commissarien mit fleiß fragen/ vñ inen anzuzai- gen/ bittē/ was die Welschen vnd ander Potentaten/ so Chri- stenlich namē tragen/ zů solichen sachen nun malen th̃n wolten/ auff das sich die Teutsche Nation darnach hette zurichten.

Zum dritten/ nach dem der last Teutscher Nation nur mer auff dem halß ligen will/ im fall/ das dan die Kaiserliche vnd auch König. Maie. bey den außlendigen Potentaten wenig oder ṽlleicht gar nichts erlangen hett m̃gen/ so sollen aller diser Chur vñ Fürsten gesandten/ im beuelch haben/ gleich wol zů Rettung Teutscher Nation/ von ainer statlichen beharlichen h̃lff zů reden vnd zuhandlen.

Dieweil aber der Allmächtig Gott / über das Königlich heer so weyt verhengt hat/ daß das zum thail hart geschlagen worden ist/ So ist bedacht/ das der anschlag zur beharlichen h̃lff/ als ñmlich 4000. zů pferd/ vñ 20000. zů füß zů gering sein w̃llen / dann es ist ye ain gute zeyt her wol gesehen worden/ was nachthayls die schwachen heer/ wider den Türcken verordnet/ erlitten haben/ Vnd derwegen ist für gut angesehen/ will vñ muß Teutsche Nation/ mit Kaiser: König: vnd andrer h̃lff wider die Türcken Krieg annemen/ vnd mit Gottes h̃lff versuchen / das dasselb statlich ain gute starcke Armada zů wasser / mitt ainem starcken heer / vngew̃rlich 8000. teutscher pferd/ 20. oder 15. tausent leichter pferd/ vnd biß in 40000. zů füß/ alles außserhalb der Doppelsöldner/ dar zů das die Königlich Maiestat/ von wegē irer Königreich/ außserhalb des Reichs gelegen/ vñ Kai. Mai. 3000. außsern oder Welsch Keytter/ 12000. Spanier ordnen vnd darbey haben/ one das / so jr Maiestat von Welsch vñ andern Pot-

tentaten von hülff zu Ross vnd fuß erlangen mag/ Vnd die
weil die vorsteende not vnd last/ diser zeit/ den Merhern vnd
Schlesiern/ vnd Lausitz am nächsten ist/ vnd sy am meisten
berrifft/ so solten dieselben Land vnd Königreich/ zu voige-
schubner anzal 20000. zu fuß/ vnd 5000. zu Ross/ mit ainem
notdürfftigen geschütz schicken/ vnd daneben des Reichs
Kriegsvolck vnderhalten.

Damit aber die Frey vñ Keychstett in disem anschlag vnd
hülff auch vermerckt/ vnd dergleichen Manung halben dis
mals kein beschwerung haben möchten/ So liessen irn Chur
vnd S. G. inen gefallen/ Das man dieselbigen Stett/ inn irn
menglen vnd geprechen/ dis mals auch hörte/ vnd von inen
vernem/ wie man bequeme gleichmässige anschlege möchten
finden vnd machen/ die yederman träglichen/ vnd niemants
zu hoch beschwärllich vnd vngleichmessig sein möchte/ das sy
auf dis mal willigē/ Vnd darauf sollē auch ire Chur vñ S. G.
iren Rāthen vnd gesandten/ deshalben beuelch thūn/ solche
vergleichung neben andern machen zuhelffen.

Vnd dieweil die Königlich Maiestat etlich geschütz ver-
loren hat/ Ob dann jr Maiestat mit notdürfftigem geschütz
gnügsam nit gefast were/ so solt man sollich geschütz/ vnd
was darzu gehöug/ von Fürsten vnd Stetten im Reich zu
kauffen/ oder vñ besoldung nemen/ Mit Kuglen/ puluer vnd
aller Munition/ Oder aber das ain yeder Chur vnd Fürst/
Auch die grössern Cömun/ ain anzahl geschütz/ Kuglen vñ pul-
uer/ Büchsenmaister vnd was zur Artolarey vnd Munition
von nöthen/ Das neben seinem volck geschickt/ darmit es zur
notdurfft im außzug möge forter gebraucht werden.

Dieweil dan die Reichs anschleg/ so man bissher zum Rom
zuge/ gehabt hat/ solchen last nit ertragen mögen/ Auch sunst
vngleich angeschlagen seind/ also/ das sich der selbige vil leüt

beschwerdt/ so soll ain yeder gesandter beneid habē/ von andern Anschlegen zureden/ Nämlich von solchen oder dergleichen/ das auff andere vnnnd Newe gedacht/ als nämlich auff ainen gemainen pfenning/ wieder hie beuor im Reichs abschyd bedacht worden ist/ vnnnd sollichen gemainen pfenning über König vnd Fürsten/ Ober vnnnd Ruder/ Geistlich vnd Weltlich durch auß gehn lassen/ vnd im selbigen nyemandts ainicherlay vrsachen wegen/ übersehen werdē/ Darzū gemaine Pfeningmaister vnd diener verordnē/ die solch gelt treulich einbringen/ vnd darinnen niemands verschonen/ Auch Ordnung vnd sagung/ wie es wider die vngehorsamen vnnnd saumigen gehalten werden solte/ Darmitt daran nichts verlast oder verfaumt möchte werden/ Vnd so man solliches ye besser vnd hefftiger gemachen kan/ so besser es sein wurde.

Doch das das gelt inn aines yeden Fürstenthumb oder gebieten nidergelegt werde.

Dieweil aber diser anschlag etwas weyl habē will/ so muß man mittler zeyt/ vnder den Kaufleuten/ ain yeder für sich vmb ain Summa gelts dencken/ fürzustrecken/ bis so lang/ das solcher anschlag zum thail einbracht möchte werden.

Wa aber diser anschlag den Stenden nicht wölt gefallen/ wesse dann yemandts ainen anderen/ der besser oder gleichmessiger were/ Darinnen nyemandts übersehen wurde/ den möchte man darzū gebrauchen. Vnd dan muß man ain sonderlich gelt/ zū vnderhalt des Obristen/ vnd Artolarey (vnd allen dem das außserhalb der Sendlein zum krieg gehört) verordnet/ angeschlagen vnd gemacht werden.

Sollich obgemelt weer/ sol man ain jar lang vnderhalten/ vnd sehen/ wie sich der anschlag oder gemain pfenning/ mitt dem kosten vergleichen wölle/ vnnnd mitler weil muß man zū

samen kommen/ain anschlag/was es ertragen wolte/besichtigen / Wölte man darnach das heer lenger halten/ so müste man auch solchē anschlag erstrecken / wolt auch der anschlag den kosten nicht ertragen/ müste man den selben höher vnd grösser machen.

Vnd in solche anschlege/ sollen kommen vnd gezogen werden/alle innwoner Teutscher Nation/ sy seyend gefreyet oder vngefreyet/ auch so fern die Kron Beham mitt der Schlesien vnd Merhern das obgemelt Kriegs volcks vnd geschütz nit schicken solte/ so sollen die selbigen Kron Beham/ Merhern vnd Schlesien/ Lausniz/ vnd aller der Küniglichen Maie. Lender/ inn disen anschlag auch gezogen werden/ Darneben müste man mitt den Schweytern oder Lydgnossen auch handeln / solchen anschlag zū gedulden / oder volck zum zug zugeben.

Dergleichen müsten auch die Kai: Niderburgundischen Land solchen anschlag auch tragen vnd gedulden / auf das solcher erhalten werden möcht/ Vnd inn Summa/ darinnen müst niemandt übersehen werden.

Zū solchem grossen werck / gehört ain grosser / mütsamer/ geschickter/ verstendiger/ vertrauter Hauptman/ desselbigen müst man sich vor allen dingen vergleichen / Sunst würde man den anschlag / weder erhalten noch einbringen / Noch auch etwas aufrichten mögen/ dann yederman würdt seines gelts besorgen/ das es nit an die ort/ da es gehört/ keme.

Daneben solt man ettliche verstendige/ Redliche Kriegs Rāthe verordnen/ doch mit rhat des Hauptmans/ Darzū etlich/ so über die anschläg sessen/ die einbrechten/ vnd auch beides im aufbringen/ auch aufthailung/ zū aller zeyt/ so offft vñ dick das not sein wurde/ rechnung hören.

Wolt

Wolt auch darneben ain Fürst/ oder groß Cömmun ain be-
sondern bey solcher Rechnung haben / vnnnd gelegenheit des
einbringens vnnnd außgab wissen/ das solte denen/ oder dem
auch zügelassen werden.

Daneben werden gemaine Stennd wol bedencken/ wer zü
solcher macht / oder beharlichen hülff / weytter zuermanen
vnd zuerfordern/ vnd im fall der notdurfft/ auch auff zübrin-
gen sein solte.

Item/ wie man es mit der Kron Hungern / so die wider sich
erobert würt / halten möcht/ damit die von den Türcken nit
widerumb eingennomen möcht werden/ Damit auch das heil-
lig Reich/ vnd alle Stennde/ nach aines yeden antheil/ so vil
möglich/ seinen vncosten widerumb erlangen möchten.

Vnd im fall / so die beharlich hülff mit obgemelten umbe-
stenden also erhalten mag werden / so sollen der obgemelten
Chur vnd Fürsten gesandten/ solches trewlich fürdern vnnnd
versehen/ vnd so yemandt darinn seümig/ lassz oder vnwillig
sein wolte/ den solten sy darzū mit güten vrsachen zübewegen
vndersteen.

Im fall aber/ so obgemelte weg nit geen wölten/ das Gott
vnnser Herr gnediglich abwende / so haben doch obgemelte
Chur vñ Fürsten/ sich verglichen/ das sy nichts bestweniger/
souer inen solches von Gott verlihen ist/ ire Fürstenthumb/
Land vñ leüt vor dem Türcken zübeschirmen vñ retten/ Vnd
daran jr leib vnd güter setzen / solliches sollen in Chur vnnnd
Fürstlichen Gnaden gesandten / andern Chur vnd Fürsten/
vnnnd derselbigen gesandten/ so zü Speyr sein werden/ Auch
der Kaiserlichen vnd Küniglichen Commissarien anzaigē/
vnd von inen begeren/ was sy zü Rettung Teütscher Nation
vnd sonderlich irer Chur vnd Fürstlichen Gnaden thun wöl-

ten/ vnd wellliche sich darein begeben wölten/ den sollen sy zu
sagen/ das jr Chur vnnnd Fürstlichen Gnaden widerumb inn
dem fall genaigt sein/ so der überfall von Türcken jnen begeg
nen solte/ das dann jr Chur vnd Fürstlichen Gnaden sich ges
gen dem selbigen dergleichen auch halten/ vnnnd deshalb mit
jnen Bueff vnd Sygel zu vester haltung auffrichtē wölten/
Auch forter mit denselbigen/ oder jren Rhäten/ zu gleichen/
träglichen/ nutzlichen Capitlen schreiben/ dieselbigē begreys
fen/ vnd ins werck bringen.

Vnnnd vnder dem selbigen möchten sein alle Fürsten von
Bayern.
Bayern.
Salzburg.
All Reichstett zu Schwaben vnnnd Francken/ vnd am
Rheynstram.
Der Bischoff von Würzburg.
Bamberg/ alle Bischoff des Rheynstrams.
Augsburg vnd all Römische Reichstett.
Eystett.
Wirtenberg.
Pfalz.
Marggraf Jörg vnd Albrecht.
Leichtenberg.
Trier. Pommern.
Cölen. Meckelburg.
Mentz. Magdeburg.

Item all ander Euangelisch Stende vnd Stette/ so hierin
nie benende sein.

Vnnnd gemainlich alle andere/ so sich hierinnen einlassen
wollen/ denen das Reichs wolffart/ nutz vnnnd ehr lieb ist/ vnd
solches sollen jr Chur vnd Fürstlichen Gnaden gesandten zu

Speyr/auch also handlen/Vnd im fall da villeicht die gesandten des Keychs Fürsten vnnnd Stende / von diser Particular handlung/sondern beuelch nit hettē/ so wölt von nöten sein/ das man mit der selben gesandte abschid/aufhindersich bringē/ vnd zū oder abschreiben möchte/oder das vnser Gnädigsten vnd Gnädigen Herren/daselbst an die ernendten Fürsten vnd Stende schreibē/oder die gesandten von Speyr außschreiben/vnd sich befehls erholen lieffen.

Im fall aber/so sollicher auch nicht sein/vnnnd sich inn disesach/niemandts mehr/oder villeicht wenig Stende einlassen wolten / So haben dannoch die obgemelten Chur vnd Fürsten bedacht vñ beschlossen/das sy ire hoffnung vñ getrawen auff Gott setzen/vnd nit verzagen/sonder inn den hoffen/er werd endlich sy vñ ire armen vnderthonen / auß der hand dises Tyrannischen vnbillichen gwalts erlösen / Vnd demnach sich mitainander in krafft irer Erbainigung vnderredt vñ zūsamē gethon/vnd thūn solchs inn krafft dises abschids. Also so sy wurden sehen vnd befinden / das sich der Türck iren Fürstenthumben vnnnd Landen nähē wolte/vnnnd wurde seinen zug auff Merhern oder die Schlesiē nemen/das sy dan mit Behmen/Schlesi/Merhern/Lausniz / vnd denen Landen sich gemainer hilff vergleichen/vnnnd denen ainen zūsatz/ zū Roß vnd süß thūn/vnd dergleichen wider von inen gewarten/vnnnd auff den fall solchs zū ihnen schicken wöllen/doch das sy ainen besondern Hauptman über Chur vnnnd Fürstlichen Gnaden volck machen/vñ verordnen wöllen/welcher mitt den Schlesingern/Beham/Lausniz/vnnnd Merhern/allezeit seine kundtschafft haben vnd halten/vnnnd der sachen trewlich vorstehn solt/vnd zū sollicher not soll der Churfürst zū Sachsen thūn 5000. güte knecht/vnnnd 1000. pferd / der Marggraf Churfürst/ sampt seinem Bruder Hansen/ 5000. güter knecht/vnd auch 1000. pferd/ Herzog Moritz auch 5000. wil/vnd der Landtgraff 3000. knecht/500. pferd/ mitt ainem

zimlichen Feldgeschütz / Das ain / oder neben dem feinen thon
sol / Doch also / das zuvor / mit den Behemē / Schesinger / Mer
hern / vnd Lausniz der vorstand gewislich gemacht sey / das
sy nicht minder haben vñ thun wollen / Dan Beham 20000.
zu Fuß / 2000. pferd / Schlesi 15000. zu Fuß vnd 1500. pferd /
Mernhern 10000. zu Fuß. 1500. pferd / Vnd darzu / so der feind
disem volck zu starck geachtet wurd / dz dan Beham / Schlö
sing vnd Mernhern / mit aller irer macht außziehen / vnd di
sem feind begegnen wollen / kündte aber jr Chur vnd Fürstli
chen Gnaden sich in disem mitt gedachten Königreich vñnd
Landen nicht vergleichen / oder da Gott vor sey / so der Türck
denen obsigen wurde / oder zürnck drungen / vñ wurde sich nu
zutragen / das der feind irer Chur vñnd Fürstlichen Gnaden
Landen oder Leüt züüberziehen vor hett / vñnd zug doch also
das man des überfalls besorgen müßt / alsdann so wollen sy je
leib vñnd güte mit Gottes hilff setzen / vñnd der Churfürst zü
Sachsen / zü dem vorigen volck noch 2000. pferd / vñ 20000.
güts Kriegs volck / der Marggraf auch so vil an knechten vnd
Reytern / Dergleichen Herzog Moriz auch so vil / vñnd der
Landtgraf nach dem er etwas weytter gessen ist / 5000. gü
ter knecht / vnd 2000. pferd zü ainer sterckung noch schicken /
vnd dabey ain zimlich güte geschütz / wie er mainet / das es not
sey / die seinen züuerwaren thun / kündten aber jr Chur vñnd
Fürstlichen Gnaden mit Reütern stercker werden / das solte
inen an knechten abgon / vnd also in dem fall dermassen züsa
men setzen / damitt sy durch Gottes hilff vnd Rettung / solchs
vnchristlichen / vnbillichen gewalts möchten überig sein /
Dartzü sollen sy auch vnser Christenliche Religion verstande
nuß / desgleich andere inn baiden Sechssischen Gerayßen ge
essen / ermanen / inen hilff vnd Rettung zuthun / wie frumen
Christen wol anstehet / Als auch dieselbigen on zweyfel thon
werden.

Wurd dann Gott der Allmächtig inn disen fällen ainem
Syg verleyhen / vnd inn Rhat befunden / Das man nach der

hülff Schtesin/ Behmen ꝛc. so noch überig sein möchten/ fürs
erucken solte/ dasselb sollen sy auch thon/ vnnnd im fall/ da sy
hungern/ oder Türckischen Landen ettwas eroberten/ Nach
gelegenhait der zeit/ Condition vn̄ ordnung/ wie man sich der
vergleychen möcht/ derwegen machen. Man soll auch die
Marrgrauen/ Jörgen vn̄ Albrechten/ als Erbainigung Für
sten/ ersuchen/ sich neben in Chur vnd Fürsten/ inn dise hülff
vnd nott sachen zubegeben/ Also/ das die bede anzal thun/ so
vil der Landtgraff inn dem fall thun soll.

Dergleychen sollen Luneburg/ Dennmarck/ Preysen/
Pommern/ die Fürstin zu Braunschweig/ Meckelnburg/
Magdeburg/ Halberstatt/ Religion verwandte Stett/ vnd
andere wen man darzu gehalten vnnnd bedencken möge/ ersu
chen/ vnd zu hülff erfordern.

Item/ man soll auch von hinnen auß/ oder sunst auß das
fürderlichst ettliche verstendige personen auß die Landts
grenitz schicken/ vnnnd die vestigungen/ pässe vnnnd grenitzen
besichtigen lassen/ wie man sich finden lassen wölte/ oder wie
weyt man ziehen/ vnnnd welchen orten man des feynnds war
ten wölte.

Item/ welliche Stett oder plätz man halten mag.

Item/ Es sol ain yeder Fürst zehen stuck Feldgeschütz/ vnd
was darzu gehört/ mit dem Ersten hauffen schicken.

Item/ man soll auch den obristen Zügmaiter auß gemai
nem seckel erhalten/ one abgang der andern söld vnd knecht.

Vnd zu disem werck/ sollen sich die obgemelten Chur vnnnd
Fürsten/ auch aines Hauptmans allhie vnder jnen selbs ver
glichen/ wellicher ain fleysfigs trewes auffsehen haben/ sein
endeschafft machen/ vnd inn zeyt der nott sich des lastes/ im
Namen des Herren vndernemen soll/ Das alles vns Got ge
nädigklich verleyhe/ Amen.

Der Schlesiſchen Fürſten vnd Stennd
geſandten Inſtruction vnnnd beuelch / obgerürten
Türcken zug vnd hilff belangend ic.

Inſtruction / was an die Durchleüchtis
geſten / Durchleüchtigen Hochgebornen Chur vnnnd
Fürſten des hailigen Römischen Keychs / So auff
verzt zuſamē kunfft Galli beyainander zu Naumburg verſam
let / von wegen vnſer der Herren / Fürſten / vnd gemainē Sten
den / der Fürſtentumben / inn Ober vnd Läder Schleſy / So
auff vergangem Fürſten tag / Sontags nach Michaelis / zu
Prieſla beyainander geweſen / durch die Erneueſten / Hochge
lerten / Wolffen Pock von Gannsdorff der Rechten Doctor /
des Fürſtenthums Lignitz / Canzler / Vnd Rüperto Schwa
ben von Baden / der Rechten Doctor vñ Sindico zu Prieſla /
geworben vnd fürgetragen werden ſoll.

Erſtlich ſollen vnſer geſandten iren liebten Chur vnnnd
Fürſtlichen Gnaden / vnſer freündtlich / willige / demütige
dienſt anzaigen / mit wünſchung / wannes irer liebten Chur
vnd Fürſtlichen Gnaden angeſundtheit leibs vnd der ſeelen /
vnd ſonſt allenthalben glückſelig / vnd nach dem aller beſten
ergienß / des gundten wir iren liebten Chur vnnnd S. G. als
vnſern freündtlichen lieben Herrn / Oheimen / Schwägern /
Brüdern / Gnedigſten vnd Gnedigen Herren / trewlich vnd
demütiglich. Vnd alſdan nach überantwortung / Credenz
vernemen wollen / Dieweil jr liebten Chur vnd S. G. die Er
bärmlich vnd erſchrockenlich nyderlag / der Römischen Kñ.
Maie. vnſers aller gnedigſten Herrn Kriegsvolck vor Ofen /
Dergleichen auch die gewaltig Einnemung vñ beſetzung des
Königlichen ſtuls Ofen / ſo vom Türckiſchen Dietrich be
ſchehen. Nun mals layder gnügſam bewüßt / dardurch nun
kein gewiſers / dan das der Tyrann ſeinem blütdürſtigen für

nemen / auf künfftigen Fröling (wa mit disen Winter) nach
setzen / vñ die Christenheit fürderlich über Teütsche Nation /
die so mit der Kron Hungern benachbaurt / vñ grenitzten Lan-
dern gewaltigklich ängsten / selber ziehen vnd kriegen werde.

So hetten wir auß tringender vnd hayschender not kains
wegs vmb geen mögen / iren liebten Chur vñnd Fürstlichen
gnaden / als frummen Christenlichen Gottsföchtigen / vnd di-
sen Landen genachtbaurt Chur vñ Fürsten des hailigen Rö-
mischen Reichs / solch obligen zuerkennen zugeben / vnd iren
liebten Chur vñ Fürstlichen gnaden / inn sollicher Küßerister
not vmb Rath / hilff vnd beystand anzurüffen / Darauff vns
auch von iren liebten Chur vnd Fürstlichen gnaden / freündt-
lichste / gnädigste / vñnd gnädige Christliche antwort / Vñns
mit Rath / hilff vñnd beystand / nicht züuerlassen / Ervolgt /
Wellicher wir vns hiemit / gen iren liebten / Chur vnd Fürst-
lichen gnaden / darumb dienstlich vnd diemütigklich thun be-
danken.

Vnd dieweil es laider darzü kommen / das der Künigklich
stül Ofen / da vormals vil Christlich Künig / jr Hoflager er-
halten / durch welche die Christenheit / sonderlich aber Teüt-
sche Nation / vñ dem Tyrannischen Wüterich / als einer star-
cken Vormaur sicher gewesen / in des Erbfeyns des Türcken
handen vnd gewalt steht. Habend jr liebten Chur vnd Fürst-
lichen gnaden / auß Hochfürstlichem verstande liederlich zü
ermessen / wa der Tyrann dieselbigen also behalten / solte zü
mercklichem schaden vnd nachthail / solchs nit allain Teüt-
scher Nation / sonder der ganzen Christenheit geraichen vnd
gelangen / Wir wollen geschweygen / das vñns er hayliger
Christlicher glaub / dardurch gannz vñnd gar vndertrückt /
vnd außgelescht / vnd die löblich jugent zü ainem Machome-
tischen Abgöttischen glauben gelaydt vñnd geführt wurde /
Welches warlich ainem yeden Christlichen vnd Gottsföcht-
tigen menschen billich zuherzen geen / vñnd bewegen solte /

Sonderlich aber solt es allen Chrißlichen Fürsten vnd Potentaten vsachen geben/alle ire macht vnd vermögen dahin zuwenden/damit sollichem vnchristlichen Tyrannischen fürhaben des Wieterichs zum aller fürderlichsten vnderstanden möcht werden.

Vnder dem/wie obengemelt/züermüthen/das der Tyrann auff den künfftigen fröling nicht seyren / sonder auf das fürderlichst immer möglich anziehen werde/ die päß/ vestungen an den wassern/ so noch auf vnser seyten züerobern vnd einzunemen. Die seinen auch so er in besetzung der statt Ofen vnd Päßt gelassen/zü retten vnd züentsetzen / So will vnser ersachtens/souer: wir die feür in disen landen nit wöllen fliegen sehen/vnd gang vnd gar nidergeschait werden/vnd zü boden geen/zum aller höchsten von nöten sein/damit wir auf künfftigen fröling zeytlich mit gewaltiger Küftung vnd gegenweer gefaßt sein/obgemelte Vestigungen züentsetzen/vnd seinem Tyrannischen/blütdürstigen fürnemen / mitt hilff des Allmächtigen Gottes/widerstand zuthün/ Vnd endelich dahin zutrachten / damit der Wieterich gewaltigklich auß dem Königreich Hungern gedrungen/ vnd wir seiner vnmenslichen Tyranny nit gewärtig sein dürffen.

Diweyl wir dann auß ainem schreyben / des Churfürsten von Brandenburg ic. Seiner Churfürstlichen Gnaden/ so sein liebten Chur vnd Fürstlichen Gnaden an ain Erbar Rath zü Prefs la gethon/ verstandē/ das ire liebten Chur vnd Fürstlichen gnaden auf den tag Galli zü Naumburg bey ain ander versammelt sein wurden/ haben wir nit mögen vnderlassen/ vnsern gesandten dahin zü irn liebten Chur vnd Fürstlichen gnaden zuschicken/vnd abzufertigen/ vnd sollen vnser gesandten ire liebten Chur vnd Fürstlichen gnaden/von vnser fert wegen/ freündlich vnd auffß diemüttigest/ Mit der höchsten bitt/ so hoch sy künden vnd mügen anlangen vñ bitten/

ire liebten Chur vñ Fürstlichen gnade/wölten in betrachtung
obangezaigter vrsachen/vñ in diser eussersten not/irn freunds-
lichisten gnedigisten vnd gnedigen erbieten nach/inn zeit des
Winters/sich zu statlicher vñnd gewaltiger hilff beraitten/
damit auff künfftigen fruling/vor des Türcken anzug Teüts-
cher Nation/vnd der ganzen Chustenhait zu gutem/etwas
fruchtebarlichs vnd trostlichs möcht außgericht werden. Es
wollen ire liebten Chur vnd Fürstlichen gnaden / das hailige
Römische Reich / Dieweil one statlich hilff disem Vietrich
schwärlich widerstandt mag gethon werden/vnd sonderlich
andern irn Herin/ freunden vñ Religion verwandten stende
zu gut/wider den Erbseynd der Chustenhait raigen vnd bes-
wegen helfen / wie dann ire lieb Chur vnd Fürstlichen gna-
den auß hohem Fürstlichem verstand / selbs freuntlich vñnd
gnädigest werden zuthon wissen / als wir vnns auch dann
kains andern zu irn liebten Chur vnd Fürstlichen Gnaden/
als gunst vnd freundschaftt versehen.

Wir seind auch der tröstlichen vnd gantzlichen züuersicht/
die Römisch Königlichē Maiestat/vnser aller gnedigister
Heri/werden auß gnedigem willen vñnd lieb/ so jr Maiestat
zu vnserer derselben getrewen vñnd gehorsamen vndertha-
nen tragen / Nicht vñnderlassen / bey irn liebten Chur vñnd
Fürstlichen gnaden/auch andern Herin/ Fürsten vnd Sten-
den des hailigen Römischen Reichs/ daneben auch mitt irer
Maiestat Erblanden / gnedige vnd fleysfige anregung vmb
hilff zuthon / die dann jr Maiestat sonder zweyfel von inen
vnderthenigest vnd gehorsamlich gelaißt würt werden.

So seind wir auch vrbietig vns mit dem Königreich Bes-
ham/Marggrafschumb Merhern/Obern vñ Nidern Laus-
niz/ainer statlichen hilff/nach vnserm höchsten vermögen
zu entschliessen vnd züergleichen/vnd dieselben auß künfftis-
gen fruling / auff das zeitlichest inn das feld zabringen.

Mit trostlicher züuersicht/wa von iren liebten Chur vnd Fürstlichen Gnaden/auch andern Herren/Fürsten vñ Stenden des hailigen Reichs / vnd der Römischen Königlichcn Maiestat Erblanden / inn gleichermaß nach irem höchsten vermügen ain anzug auf künsttlichen Fruling fürgenommen/ das durch hilff des Allmächtigen / der gestalt/ des Türcken Vieterisch fürnemen vndergangen/vnd er auß dem Königreich Hungern gewaltig getrungen werde möcht/Darzu dan Gott sein Götlich gnad gnädiglich züuerleyhen gerüche.

Vnd damit solcher zug best sügklicher möcht fürgenomen werden / sehen wir auff irer liebten Chur vñnd Fürstlichen Gnaden besserung für gut an / das die Hauptleit über diser Lender Kriegsvolck / des hailigen Römischen Reichs Veldt hauptman vnderworffen vnd vnderthänig werde/welliches iren liebten Chur vnd Fürstlichen Gnaden auß hohem verstand fermer bewegen vnd ermessen werden.

Vnd wa nun jr liebten Chur vnd Fürstlichen gnaden irn freündtlichen gnädigē erbieten nach / vns dermassen/ sampt iren Religions verwandten Stenden/zü ziehen/ Rathen vñ helfen werden / wider den Thyrannen/ wie wir dann kainen zweyfel tragen / So seind wir hinwiderumb freündtlich vnd auffß diemütigest vrbittig/wa jr liebten Chur vñnd Fürstlichen Gnaden/ da Gott der Allmächtig gnädiglich vor sey/ künsttiglich der Religion ires Christenlichen glaubens/vnd des Götlichen woits halben / von yemandts gewaltiglich überzogen/vñnd wider Recht angriffen wurde/das wir iren liebten Chur vñ Fürstlichen Gnaden nach vnserm höchsten vermögen/widerumb züziehen/die selben retten vñnd entsetzen/helffen wöllen/Vnd vnns dermassen gegen iren liebten Chur vnd Fürstlichen Gnaden erzaigen/wie wir in gleichem fall von irn liebten Chur vnd Fürstlichen gnaden auch wolten gethon haben.

Vnd sollet schließlich vnser gesandten jr lieb Chur vnd
Fürstlichen Gnaden / von vnsern wegen / freündlich vnd de-
mütig bitten / ire lieb Chur vnd Fürstlichen gnaden / gegen
vnns durch sy mit freündlich vnd gnädige Richter ant-
wort / Darauff wir vns züerlassen züersehen / damit sy wis-
derumb auffß fürderlichst zü vns anzukömen / vnd Relation
thon möchten / Diewel dise händel kainen tag noch stund on
sonderlich gefahr diser geengstiger Lender / verzug vn auß-
schub leyden können vnd mügen.

Das wollen wir vmb jr liebten Chur vn Fürstlichen Gna-
den freündlich vnd auff das demütigest verdienen. Zü
Vikundt mit vnsern Fürstlichen / vnd den andern iren Insi-
geln besigelt. Geben zü Pressla am Abent Sant Franciscis
Anno M. D. vnd xli. jar.

Getruckt zü Augspurg / durch
Philipp Vlhart.

Faint, illegible text, likely bleed-through from the reverse side of the page.

Second block of faint, illegible text, also appearing to be bleed-through.

Third block of faint, illegible text, possibly a signature or a specific heading.